



---

Kommunalbestyrelsi 30. September 2021 nal. 14:00

---

Kommune Qeqertalik Kommunalbestyrelsi  
03-2021

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D
Kristensen, Naja	A
Jeremiassen, Nikkulaat	S
Sandgreen, Enok	S
Samuelsen, Aqqa	S
Frederiksen, Ole I.	S

**Ataatsimiinnermi aqutsisoq:**

Ane Hansen, IA

**Allatsi:**

Kulunnguaq Reimer Olsen

**Ataatsimiinneq:**

Teams

**ULLORMUT OQALUUSERISASSAT**

<b>21-030 2022-mut missingersuutit Ataatsimiititaliaat ataavartut.....</b>	<b>3</b>
<b>21-031 Qeqertarsuarmi inissianik sanaartortoqarnerani aningaasanut tapiissutinik qinnuteqarneq, 1.067.000 kr.....</b>	<b>6</b>
<b>21-032 Simigaq Heilmann ataatsimiititaliaq Timi Tarnilumi tunuarnerani nutaamik ilaasortassamik toqqaaneq .....</b>	<b>9</b>
ILISIMATITSISSUTIT .....	10
21-033 Nuna allanngutsaaliugaq .....	10
21-034 Eqqakkanik eqiterissut Flexus atoqqaartinneqarpoq - Aasiaat.....	11
ATAATSIMIINNEQ NAAVOQ: .....	12
ATSIORFISSAQ:.....	12

<b>Oqaluuserisaq</b>	<b>Oqaluuserisassat akuerineqarnerat</b>
----------------------	--

**Oqaaseqaatit:****AALAJANGERNEQ:**

--

<b>Suliap normua</b>	<b>21-030</b>	<b>Ilanngussap nr.</b>	<b>30</b>	<b>Journal nr.</b>	
<b>Sammisaq</b>	<b>21-030 2022-mut missingersuutit Ataatsimiititaliat ataavartut</b>				

**EQIKKAANEQ:**

2022-mut missingersuutit siunnersuut ataatsimiititaliap septembarimi ataatsimiinnerani saqqummiunneqareerpat, Ataatsimiititaliap Inua-p aalajangiiffigissagai naatsorsuutigineqarpoq. Suliap saqqummiinnerani uani ataatsimiititaliat ataavartunut missingersuutit pineqarput aamma Inua-nut ingerlateqqillugit nassiunneqassapput 2022-mut missingersuutit siunnersuutip suliarineqarnissaanut atugassatut.

**SULIAP SAQQUMMIUNNEQARNERA**

2022-mut missingersuutit siunnersuut suliassaqarfimmut Inoqarfimmut, Inuit-nut aamma Timi Tarnilu-mut matumuuna ataatsimiititaliamut INUA-mut siullermeerneqarnissaminut nassiunneqarpoq, ataatsimiititaliani ataavartuni akuersissutigineqareernerisa kingorna.

2022-mut missingersuutit siunnersuut innuttaasunik, Qasigiannuani missingersuutit pillugit isumasioqatigiinnermik, suliffeqarfiup iluanit isumassarsianit aamma kommunalbestyrelsip 2021-2025-mi suleqatigiinnissamik isumaqatigiissutaannik tunngaveqarlutik suliarineqarpoq.

**ANINGAASATIGUT SUNNIUTISSAT:**

2022-mut missingersuutit siunnersuut 2022-mi 11,7 mio. kr.-inik aamma 2022-miit 2025-mut katillutik 66,8 mio. kr.-inik sinneqartoornissamik takutitsivoq.

Sinneqartoorteqarfiusumik suli missingersuusiortarnissaq kommunimut pingaaruteqarpoq, taamaalilluni kommunimi aningaasaqarnikkut pitsaasumik ineriartortuarneq attatiinnarneqarsinnaammat.

2021-imi missingersuutini 14,8 mio. kr.-inik amigartoorteqartut missingersuusiarineqarsimapput. Taakkua saniatigut siusinaartumik pensionisianit utertitanit 18,7 mio. kr.-it isertinneqartussatut kiisalu allaffissornikkut 2,7 mio. kr.-inik sipaaruteqarnissaq missingersuusiarineqarsimavoq. Siusinaartumik pensionisianut aningaasartuutinit utertitsisarneq 1. juli 2021-mi atorunnaarpoq. Taamaalilluni 2022-mi 31,3 mio. kr.-inik amigartoornissaq naatsorsuutigineqarsinnaavoq. Tamanna nammakkuminaassaaq.

Kommunip angissusaa aallaavigalugu, ukiuni 2022-miit 2025-mut 40 mio. kr.-it missaaniittunik sinneqartoortarnissaq missingersuusiortarfigineqartariaqaraluarpoq, inissianut, eqqakkanik suliaqartarnernut, umiatsianik iluarsaassisarfinnut, utoqqaat inissiaannut il.il. aningaasalersuinissamut aningaasanik suli peqassagaanni.

2022-mut missingersuutit siunnersuut suliarineqarpoq, kommuni pitsaasumik aningaasaqartuarnissaa qulakkeerniarlugu. Taamaattumik siunnersuut ingerlatsinermi sipaarutissanik arlalinnik aamma sanaartugassat kinguartinneqarnissaannik imaqarpoq. Tamanna pisariaqarsimavoq missingersuutit oqimaqatigiiseqqikkumallugit 11,7 mio. kr.-inik sinneqartoortutunik ilaqartunik.

**INATSISITIGUT TUNNGAVIUSUT:**

Attuumassuteqartumut innersuussineq:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq (missingersuusiortarnermut inatsit)
- Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersuiisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq (missingersuusiortarnermut nalunaarut)

**SULIAP SULIARINEQARFIA:**

Ataatsimiititaliaq Inua-p kommunip ukiumoortumik missingersuutit siunnersuutaa Kommunalbestyrelsimut suliarisarpaa, takuuk missingersuusiornermut inatsimmi § 20.

Ukiumoortumik missingersuutit siunnersuut kommunalbestyrelsimit marloriarluni suliarineqassaavoq, takuuk § 21. Siullermeerinninneq ulloq 30. september ingerlanneqassasoq naatsorsuutigineqarpoq aappassaaneerinerlu kommunalbestyrelsip ulloq 30. november ataatsimiinnerani ingerlanneqassasoq naatsorsuutigineqarluni.

**INASSUTEQAAT:**

Qullersaqarfik ataatsimiititaliaq INUA-mut *ima inassuteqarpoq*:

- 2022-mut missingersuutit akuerineqassasut
- Suliaq kommunalbestyrelsimut nassiunneqassaaq suliareqqinneqartussanngorlugu.

**ILANNGUSSAT:**

Ilanngussaq 30-01 2022-mut missingersuutit siunnersuut

Ilanngussaq 30-02 7. Septemter 2021 Ataatsimiititaliaq Inoqarfik missingersuutit pillugit aalajangenera - imaqarniliaq

Ilanngussaq 30-03 8. Septemter 2021 Ataatsimiititaliaq Inuit missingersuutit pillugit aalajangenera – imaqarniliaq

Ilanngussaq 30-04 9. Septemter 2021 Ataatsimiititaliaq Timi tarnilu missingersuutit pillugit aalajangenera – imaqarniliaq

Ilanngussaq 30-05 Notat om ændringer i forslag til Budget 2022 KAL

**AALAJANGERNEQ:**

Ataatsimiititaliaq Inoqarfik ulloq 7. september 2021 ataatsimiinneranni aalajangerneq:

Ataatsimiititaliaq INOQARFIK innersuussivoq Ataatsimiititaliaq INUA misissuilluassasoq sanaartungassanut tunngatillugu periarfissaqarnerasoq pisariaqartitsiffinni sanaartortoqarsinnaanera.

**AALAJANGERNEQ:**

Ataatsimiititaliaq Inuit ulloq 8. september 2021 ataatsimiinneranni aalajangerneq:

- Inassuteqaat akuersissutigineqarpoq, Suliaq Inua-nut nassiunneqassaaq suliareqqinneqartussanngorlugu.

**AALAJANGERNEQ:**

Ataatsimiititaliaq Timi Tarnilu ulloq 9. september 2021 ataatsimiinneranni aalajangerneq:

Inassuteqaat akuerineqarpoq.

Ataatsimiititaliaq TIMI TARNILU-miit Ataatsimiititaliaq INUA ingerlateqqinneqarput.

**AALAJANGERNEQ:**

Ataatsimiititaliaq INUA ulloq 22. september 2021 ataatsimiinneranni aalajangerneq:

Inassuteqaat akuerineqarpoq.

Kommunalbestyrelse ataatsimiinnissaanut sipaarutissanut allattuiffik ilanngunneqarnissaa

kissaatigineqarpoq.

**AALAJANGERNEQ:**

--

Suliap normua	21-031	Ilanngussap nr.	31	Journal nr.	
Sammisaq	21-031 Qeqertarsuarmi inissianik sanaartortoqarnerani aningaasanut tapiissutininik qinnuteqarneq, 1.067.000 kr.				

EQIKKAANEQ:

Kommune Qeqertalik, Qeqertarsuarmi inissianik arfinilinnik, atorfirmut tunngatillugu inissiatut naatsorsuussanik sanaartortitsivoq.

Kommune Qeqertalimmi Kommunalbestyrelsip immikkut ataatsimiinnermini ulloq 31. juli 2020-mi ingerlanneqartumi, inissianik sanaartornermut aningaasaliissutit tulluuttut akuersissutigai:

- Sanaartornermut aningaasartuutit: 14.300.000 kr.
- Allaffissornermut aningaasartuutit: **1.285.000 kr.**

Sanaartornermik aqutsineq, suliatigut nakkutilliineq pillugit avataaniit siunnersuineq kr. 490.000-iusoq, sanaartornermut aningaasartuutaasussatut missingersuummi akuerineqartumi sipaarneqarsimavoq.

Taamaalilluni sanaartornissamut aningaasartuutit tamakkiisut, isumaqatiginninniareernerup kingorna akuersissutigineqartut annertussusaat tassaallutik: 15.585.000 kr.

- Matumuuna suliassa qarfik Inoqarfik, ilassutitut aningaasaliinissamik qinnuteqarpoq kr. 490.000-iusunik, sanaartukat ingerlanneqarnerannut atatillugu suliffeqarfimmut siunnersuisartumut pisariaqartinneqalersumut aningaasaliissutissatut. Kiisalu siumoortumik naatsorsuutigineqarsinnaanngitsunut aningaasartuutit qinnuteqaatigineqarput, tassa missingersuutitut taakku ilanngunneqarsimanngimmata, sanaartornermut aningaasartuutit 5 %-erisaat, tassa imaappoq kr. 715.000-it.

Suliap saqqummiunneqarnera Kommunalbestyrelsip immikkut ittumik ataatsimiinnermini ulloq 31. juli 2020-mi akuersissutigini kuusaa, ilanngussa "20-022"-mi takuneqarsinnaavoq.

SULIAP SAQQUMMIUNNEQARNERA:

Sanaartornermut atatillugu aningaasartuuteqarfiusunit sipaarutininik nassaarnissaq pisariaqalersimavoq tassungalugu atatillugu avataaneersumit suliffeqarfimmit siunnersuisartumit sanaartornermik aqutsineq aamma suliatigut nakkutilliineq pillugit avataanit siunnersuisartoq sipaarfigineqarsimavoq, taamaalillunilu suliassaq kommunimit tiguneqarsimalluni.

Maannamut suliap killiffia kiisalu misilittakkat tunngavigalugit paasinarsivoq suliassaq taanna kommunimii tamakkiisumik ingerlanneqarsinnaanngitsoq, makkua peqqutigalugit:

- Sanaartornermik aqutsineq kiisalu suliatigut nakkutilliineq pillugit suliassap kivinnissaanut atorfilittat unammilligaqarsimapput, tassa suliassa qarfik eqqortunik piginnaasanik peqanngimmat.
- Suliassamik unatut ittumik suliffeqarfiup iluani suliakkiinermi eqqumaffigisassat pingaarutillit pissutsit arlaqarput, tassa suliassaq immikkut iluseqarmat taamaattumillu siusinnerusukkat

ilisimasaniq peqanngitsumut imaluunniit ilinniagaqarnikkut tunuliaqutaqanngitsumut sulisumut allamut ingerlateqqiinnarneqarsinnaanngilaq, tassa suliassat immikkut ittumik piginnaasaqarnissamik piumasaqaatitaqarmata.

Avataaniit siunnersorteqarnermi iluaqutissat ilagivaat:

- Sanaartornerup naammassinnissaata tungaanut ataqatigiissaarluakkamik, pitsaassutsimik qulakkeerinnittumik siunnersorteqarnissaq.
- Taama iliornikkut inissiat pissusissamisoortumik qaffasissumillu pitsaassuseqartumik sanaartornissaat qulakkeerneqassaaq.

#### ANINGAASATIGUT KINGUNEQAATIT:

Teknikkimut siunnersortit atorfik, qaammatini pingasuni inuttaqarsimanngilaq 138.000 kr.- inik aningaasartaqartoq. Aningaasat taakku siparneqarsimasut, ilassutitut aningaasaliissutinik qinnutigineqartut ilaannut annikitsunut matussutaasinnaapput.

Aningaasaqarnikkut kinguneqaatit tulliuuttut tassaapput: (490.000 kr. + 715.000 kr.) - 138.000 kr. = 1.067.000 kr.-it.

#### KINGUNEQAATIT:

Annertuunik sanaartugassaqaartillugu nalinginnaasumik avataaniit siunnersorteqarnissaq isumaqatigiissusiorfigineqartarpoq. Tamannali sanaartornermi matumani sipaarutigineqaqqaarnikuvoq.

Sanaartornermik aqutsinerup aamma suliatigut nakkutilliinerup, avataanit siunnersuisartunut tunniunnissaa iluatsinngippat, kinguneqaataasinnaasut tulliuuttut tassaapput:

- Sanaartorneq eqqarsaatigalugu piffissaliussaq kinguaattoorfiusinnaavoq
- Sanaartorneq aningaasartuutissatut naatsorsuutigineqartunut sanilliullugu akisunerulersinnaavoq, sanaartornermik aqutsineq aamma suliatigut nakkutilliineq misilittagaqartumit siunnersuisunit isumagineqanngippata.

Avataaniit siunnersorteqarnerup iluaniippoq qularnaatsumik pissusissamisoortumillu sanaartorneq, taamaalilluni sanaartornermut tunngatillugu allatigut malittarisassat aamma qulakkeerneqarsinnaammata.

#### INATSISITIGUT TUNNGAVIUSUT:

- Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq.
- Sanaartorneq pillugu Inatsisartut inatsisaat nr. 13, 26. maj 2010-meersoq.

#### SULIAP SULIARINEQARFIA:

Kommunalbestyrelsi

**INASSUTEQAAT:**

Qeqertarsuarmi Inoqarfiup ataatsimiitsitaliaq Inoqarfik tulliuttutut inassuteqarfigissavaa:

ilassutitut aningaasaliissutissatut qinnutigineqartut kr. 1.067.000-iusut akuersissutigineqassasut, Inua-nut aamma Kommunalbestyrelsimut akuerisassanngorlugit nassiunneqassasut, taamaalilluni sanaartorneq pitsaasumik pitsaassuseqartoq qulakkeerneqassammat.

**ILANNGUSSAT**

Ilanngussaq 31-01 Suliaq nr 20\_022

Ilanngussaq 31-02 Siunnersuisarfimmiit neqeroorut Tegnestuen Qarsoq

**AALAJANGERNEQ**

Ataatsimiititaliaq Inoqarfik siulittaasup, ilaasortat sinnerlugit aalajangernera ulloq 17. September 2021:

**Akuerineqarpoq**

**AALAJANGERNEQ**

Ataatsimiititaliaq INUA ulloq 22. september 2021 ataatsimiinnerani aalajangerneq:

**Inassuteqaat akuerineqarpoq.**

**AALAJANGERNEQ**



<b>Suliap nr.</b>	<b>21-032</b>	<b>Ilanngussap normua</b>		<b>Journal nr.</b>	
<b>Eqqartugaq</b>	<b>21-032 Simigaq Heilmann ataatsimiititaliaq Timi Tarnilumi tunuarnerani nutaamik ilaasortassamik toqqaaneq</b>				

**EQIKKAANEQ:**

Allattoqarfik 2. September 2021 ilisimatinneqarpoq ataatsimiititaliaq Timi Tarnimilu ilaasorta q Simigaq Heilmann Qeqertarsuarmi sunngiffimmi pisortatut, suliassa qarfik Timi Tarnilu ataani ingerlasumi atorfeqalersimasoq.

**SULIAP SAQQUMMIUNNEQARNERA:**

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 40, imm. 2-mi nr. 1 naapertorlugu ataatsimiititaliami ataavartumi ilaasortaaneq ajornarpoq, ataatsimiititaliap ataavartup ataani ingerlatsivimmi aqutsisutit atorfeqaraanni.

Tamannalu tunngavigalugu Simigaq Heilmann ataatsimiititaliaq Timi Tarnimilu ilaasortaasinnaanera ajornarpoq, taamaattumillu ataatsimiititaliaq Timi Tarnilumit tunuartariaqarluni, sunngiffimmi pisortatut sulisoqarnermik aamma aningaasatigut aqutaqarnera peqquataalluni.

Inatsimmi qulaani pineqartumi § 38 aallaavigalugu, ataatsimiititaliami ilaasorta q aalajangersimasunit suleqatigiinneersoq tunuarpat, suleqatigiinnit inissaq inueruttoq inuttalerneqartussaavoq.

Taamaattumillu ataatsimiititaliaq Timi Tarnimilu ilaasortassamik nutaamik, Simigaq Heilmannip suleqataaffigisaaneersumik toqqaasoqassalluni.

**ANINGAASATIGUT KINGUNISSAI:**

Soqanngilaq.

**KINGUNISSAT:**

Simigaq Heilmann ataatsimiititaliaq Timi Tarnilumi ilaasortaajunnaaraluarluni kommunalbestyrelsimi ilaasortaaginnassaaq.

**INATSISITIGUT TUNNGAVIUSOQ**

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 38 aamma 40.

**SULIAP SULIARINEQARFIA:**

Kommunalbestyrelse. Suliaq ataasiaannarluni suliarineqassaaq.

**INASSUTEQAAT:**

Allattoqarfiup kommunalbestyrelsimut inassuteqaatigaa:

- ataatsimiititaliaq Timi Tarnilumi ilaasortassamik nutaamik, Simigaq Heilmannip suleqatigiit peqataaffigisaaniit toqqaasoqassasoq.
- Ilaasortanngortup nutaap sinniisissaanik toqqaasoqassasoq.

**ILANNGUSSAT:**

Soqanngilaq.

**AALAJANGERNEQ:**

--

**ILISIMATITSISSUTIT**

<b>Suliap normua</b>	<b>21-033</b>	<b>Ilanngussap nr.</b>	<b>33</b>	<b>Journal nr.</b>	
<b>Sammisaq</b>	<b>21-033 Nuna allanngutsaaliugaq</b>				

Kommune Qeqertaliup Kommunalbestyrelsimi Siumut gruppianit saaffiginnissut ulloq 1 juli 2021 tiguaa, tassani Kalaallit Nunaata Kitaani nunat eqqissimatitat pilersaarutaannik suliaqartoqarnissaanik siunnersuuteqartoqarpoq. Saaffiginnissut ilanngussami atuarneqarsinnaavoq. Gruppi tassunga atasumik arlalinnik apeqqusiorsimavoq, taakkua ataatsimiititaliap Inoqarfiup ataatsimiinnerani suliarineqarnissaat kissaatigaat. Gruppi apeqqutit nalimmassarsinnaasut imaluunniit ataatsimiititaliap ataatsimiinnerani nutaanik ilassuteqartoqarsinnaanera aamma malugeqquaa. Gruppi suliaq kommunalbestyrelsimut ingerlateqqinneqassasoq aamma kissaatigaa.

Gruppi pingortitami nunaminertat angisuut eqqissimatitanaanissaanik isuma assut akerleralugu aamma erseqqissarpaa kiisalu takornariaqarnerup tammajuitsorsiniarlunilu piniartitsisarnerup eqqunneqarnissaat akerleralugit, tassami gruppi qangarsuaaniilli piniariaatsit pitsaanngitsumik sunnerneqarsinnaaneri aarleqqutigigaa. Gruppi nunarsuaq tamakkerlugu kingornussassatut eriagisaq Kangia aamma innersuussutigaa aamma kommuni taamatut inissimalissanngitsoq sakkortunerpaamik innersuussutigalugu.

Kommunip Qeqqata Kommunua aamma WILD Nature Foundation ulloq 30 04 020 suleqatiserissallugit aalajangerpaa aamma Kalaallit Nunaata Kitaani nunamik allanngutsaaliukkamik pilersitsinissamik periarfissat misissorlugit aallartilluni. Taamatut aalajangertoqarmalli allaffissornermik suliallit pilersaarut assigiinngitsutigut suliarilerpaat.

Pilersaarut suli suliarineqarmat paasissutissat naassanngitsuusaamik tunniussuunneqarnissaat periarfissaqanngilaq, paasissutissammi naalakkersuineramik suliallit inaarutaasumik suliaqarnissaannut tunngaviliisussaapput, taamaattumik suliaq ilisimatitsissutit saqqummiunneqarpoq suliassatut saqqummiussinermut taarsiullugu.

Allaffissornermik suliallit ilisimatitsissutigisinnaavaat suliaq pillugu innuttaasut isumaannik paasinninnissaq kissaatigineqarsimammat innuttaasunik ataatsimiisitsisoqartussaammat. Taamaattorli ulloq suli aalajangiunneqanngilaq. Tassunga atasumik aamma attuumassuteqarsorinarmat kommunimi ataatsimiititaliat attuumassutillit suliaqarsimatinnagit suliaq inaarutaasumik aalajangiiffiusinnaanngilaq.

**ILANNGUSSAT:**

Ilanngussaq 33-01 Kommune Qeqertalimmi kommunalbestyrelsemi Siumut gruppianit saaffiginnissut.

**AALAJANGERNEQ:**

Ataatsimiititaliaq INUA ulloq 22. september 2021 ataatsimiinnerani aalajangerneq:

Ilisimatitsissut tusaatissatut tiguneqarpoq.

**AALAJANGERNEQ:**

<b>Suliap nr.</b>	<b>21-034</b>	<b>Ilanngussap normua</b>		<b>Journal nr.</b>	
<b>Eqqartugaq</b>	<b>21-034 Eqqakkanik eqiterissut Flexus atoqqaartinneqarpoq - Aasiaat</b>				

**EQIKKAANEQ:**

Ulloq 21. September 2021 eqqakkanut eqiterissut Flexus atoqqaarfissiortinneqarpoq. Atoqqaarfissiortitsinermi Aasianni suliassaqarfik Inoqarfimmi ingerlatsinermik akisussaasoq Otto Sandgreen tikilluaqqusivoq, kommunalbestyrelsimi ilaasortat sinnerlugit borgmesterip tullia siulleg Frantz Lundblad oqalugiarpoq.

Uani nutaarsiassaq atuarneqarsinnaavoq, ilanngullugu Frantzip oqalugiaataa atuarneqarsinnaavoq: [https://www.qeqertalik.gl/nyheder/2021/09/flexus\\_aasiaat?sc\\_lang=kl-gl](https://www.qeqertalik.gl/nyheder/2021/09/flexus_aasiaat?sc_lang=kl-gl)

**INASSUTEQAAT:**

Allattoqarfimmiit inassuteqaatigineqarpoq ilisimatitsissut tusaatissatut tiguneqassasoq.

**ILANNGUSSAT:**

Soqanngilaq.

**AALAJANGERNEQ:**

--

**ATAATSIMIINNEQ NAAVOQ:****ATSIORFISSAQ:**

Hansen, Ane

---

Lundblad, Frantz

---

Broberg, Bia A.

---

Nathanielsen, Karl Thue

---

Aronsen, Hans

---

Lundblad, Klaus

---

Kristensen, Niels

---

Larsen, Mariane S.

---

Jeremiassen, Kristian

---

Heilmann, Simigaq

---

Kristensen, Naja

---

Jeremiassen, Nikkulaat

---

Sandgreen, Enok

---

Samuelson, Aqqa

---

Frederiksen, Ole I.

---